

三輔黃圖卷之二

長安九市

廟記云長安市有九各方二百六十六步六市在道西三市在道東凡四里為一市致九州之人在突門沉案水經注云光門

亦名突門夾橫橋大道市樓皆重屋又曰旗亭樓在杜門大道

南又有當市樓有令署以察商賈貨財買賣貿易之事三

輔都尉掌之直市在富平津西南二十五里沉案太平寰宇記作十五

里即秦文公造物無二價故以直市為名張衡西京賦云

郭開九市通闐帶闐旗亭重立俯察百隧是也又案郡國

志長安大俠萬子夏居柳市司馬季主卜於東市晁錯朝

服斬於東市西市在醴泉坊

三輔黃圖卷之二

長安八街九陌

有香室街夕陰街尚冠前街三輔舊事云長安城中八街九陌漢書劉屈氂妻梟首華陽街京兆尹張敞走馬章臺街陳湯斬郅支王首縣藁街張衡西京賦云參塗夷庭街衢相經廛里端直薨宇齊平是也

長安城中閭里

長安閭里一百六十室居櫛比門巷修直有宣明建陽昌陰尚冠修城黃棘北煥南平等里漢書萬石君奮徙家長安戚里宣帝在民間時常在尚冠里劉向列女傳節女長安大昌里人也

漢宮

長樂宮本秦之興樂宮也高皇帝始居櫟陽七年長樂宮成徙居長安城三輔舊事宮殿䟽皆曰興樂宮秦始皇造

漢修飾之周回二十里沅案玉海引作二十餘里前殿東西四十九丈

七尺兩杼中沅案玉海作兩序長安志太平寰宇記作兩杼三十五丈沅案太平寰宇記作

五丈深十二丈長樂宮有鴻臺有臨華殿有溫室殿有信宮沅案玉海引此作長秋永壽永寧四殿高帝居此宮後

太后常居之孝惠至平帝皆居未央宮漢書宣帝元康四年神爵五采以萬數集長樂宮五鳳三年鸞鳳集長樂宮

東闕中樹上王莽改長樂宮為長樂室在長安中近東直杜門

未央宮漢書曰高祖七年蕭何造未央宮立東闕北闕闕門

觀也劉熙釋名曰闕在門兩旁中央闕然為道也門闕天子號令賞罰所由出也未央宮殿雖南向而上書奏事謁見之徒皆在北闕焉是則以北闕為正門而又有東闕東門至於西南兩面無門闕矣蓋蕭何立未央宮以厭勝之術理前殿武庫藏兵器太倉廩粟所在一百三十上見其然乎

壯麗之甚怒曰天下匈匈勞苦數歲成敗未可知是何治宮室過度也何對曰以天下未定故可因以就宮室且天子以四海為家非令壯麗無以重威無令後世有以加也

上悅自櫟陽徙居焉未央宮周回二十八里前殿東西五十丈深十五丈高三十五丈前殿曰路寢見諸侯羣臣處也沅案高三十五丈下玉海

校之云一曰三丈五尺前殿營未央宮因龍首山以制前

殿山長六十里頭入渭水尾達樊川秦時有黑龍從南山出飲渭水其行道因成土山䟽山為臺殿不假板築高

出長安城西京賦所謂至孝武以木蘭為芬橈木蘭香木芬橈棟椽

䟽龍首以抗前殿此也

三輔黃圖卷之二

二

文杏為梁柱

杏木之有文者

金鋪玉戶

金鋪扉上有金華中作獸及龍蛇鋪首以銜環也玉

戶以玉飾戶也

華榱璧璫雕楹玉碣

楹柱也碣柱下石也

重軒鏤檻青瑣丹

墀青瑣窓也

左礮右平

右乘車上故使之平左以人上故為之階平礮階級也

黃金

為壁帶間以和氏珍玉風至其聲玲瓏然也未央宮有宣

室麒麟金華承明武臺鈎弋等殿又有殿閣三十有二有

壽成萬歲廣明椒房清涼永延玉堂壽安平就宣德東明

飛雨

沅案玉海作飛羽太平寰宇記亦作雨

鳳凰通光曲臺白虎等殿廟記

云未央宮有增城昭陽殿漢宮殿疏曰未央宮有麒麟閣

天祿閣有金馬門青瑣門元武蒼龍二闕朱鳥堂畫堂甲

觀非常室又有鈎盾署弄田三輔決錄曰未央宮有延年

殿

沅案玉海作延年

合歡殿回車殿

沅案回車舊作四車玉海又作回車並互異

又漢

宮閣記

沅案玉海作宮殿閣記

云未央宮有宣明長年温室昆德四

殿又有玉堂增盤閣宣室閣三輔舊事云武帝於未央宮

起高門武臺殿漢武故事云神明殿在未央宮王莽改未

央宮曰壽成室前殿曰玉路堂如路寢也

沅案玉海王莽以下十二字上

有案舊圖云四字

案舊圖

沅案玉海無此三字

漸臺織室凌室皆在未央宮

建章宮武帝太初元年栢梁殿災粵巫勇之曰粵俗有火

災即復大起屋以厭勝之帝於是作建章宮度為千門萬

戶宮在未央宮西長安城外帝於未央宮營造日廣以城

中為小乃於宮西跨城池作飛閣通建章宮構輦道以上

下

輦道為閣道可以乘輦而行

宮之正門曰閭闔

閭闔天門也宮門名閭闔者以象天門也

高二十五丈亦曰璧門左鳳闕

闕上有金鳳高六餘漢書集注曰今長安故城西俗

呼貞女樓即高二十五丈右神明臺言臺高神明可居其上門內北

起別風闕在閭闔門內以其出宮垣識高五十丈對峙井

幹樓高五十丈輦道相屬焉連閣皆有采憇連閣曲閣也以覆重刻垣

墉屏翳之處畫以雲氣鳥獸其形不愚然前殿下視未央其西則廣中殿沅案玉海

作唐中殿受萬人三輔舊事云建章周回三十里沅案水經注作二十里

東起別風闕高二十五丈乘高以望遠又於宮門北起圓

闕高二十五丈上有銅鳳凰赤眉賊壞之西京賦云圓闕

聳以造天若雙碣之相望是也廟記云建章宮北門高二

十五丈建章北闕門也又有鳳凰闕漢武帝造高七十七

五尺沅案水經注作七丈五尺鳳凰闕亦名別風闕又云巉曉闕在圓

闕門內二百步繁欽建章序云秦漢規模廓然泯毀惟建

三輔黃圖卷之二

四

章鳳闕聳然獨存雖非象魏之制亦一代之巨觀古歌云

長安城西有雙闕上有雙銅雀一鳴五穀成再鳴五穀熟

案銅雀即銅鳳皇也楊震關輔古語云長安民俗謂鳳皇

闕為貞女樓司馬相如賦云豫章貞女樹長千仞大連抱冬夏常青未嘗凋落若有貞節故以為名

漢書曰建章宮南有玉堂壁門三層臺高三十丈玉堂內

殿十二門階階皆玉為之鑄銅鳳高五尺飾黃金樓屋上

下有轉樞向風若翔椽首薄以璧玉因曰壁門建章有駘

蕩馭娑枋詣天梁奇寶鼓簧等宮又有玉堂神明堂䟽圃

鳴鑾奇華銅柱函德二十六殿太液池唐中池

桂宮漢武帝造周回十餘里沅案玉海作漢武帝太初四年秋起周回十餘里在未央

北宮漢書曰桂宮有紫房複道通未央宮關輔記云桂宮在

未央北中有明光殿土山複道從宮中西上城至建章神
明臺蓬萊山三秦記未央宮漸臺西有桂宮中有光明殿
皆金玉珠璣爲簾箔處處明月珠金陛玉階晝夜光明又
西京雜記云武帝爲七寶牀雜寶案廁寶屏風列寶帳設
於桂宮時人謂爲四寶宮長安記曰桂宮在未央宮北亦曰北宮
北宮在長安城中近桂宮俱在未央宮北周回十里高帝
時制度草創孝武增修之中有前殿廣五十步珠簾玉戶
如桂宮漢書曰呂太后崩孝惠皇后廢處北宮又曰哀帝
崩貶皇太后趙氏爲孝成皇后退居北宮皇后薄氏退居
桂宮

甘泉宮一曰雲陽宮史記秦始皇二十七年作甘泉宮及

前殿築甬道

築垣墻如街巷

自咸陽屬之關輔記曰林光宮一曰

甘泉宮

沉案雍錄引此云關輔記曰甘泉宮一曰雲陽宮一曰林光宮一曰甘泉宮玉海引此末句無一曰

二字蓋以甘泉宮三字屬秦所造爲句也是與雍錄同

秦所造今在池陽縣西故甘

泉山

沉案玉海無故字

宮以山爲名

或曰高泉山蓋習俗語訛爾

宮周匝十餘

里漢武帝建元中增廣之周十九里去長安三百里望見

長安城黃帝以來圓丘祭天處

漢志雲陽縣有休屠金人徑路神祠三所音義云匈奴祭天處本雲陽甘泉山下秦奪其地徙休屠右地郊祀志云徑路神祠祭休屠王處

云雲陽先生之墟也

沉案太平寰宇記引此作漢武帝增廣之周十九里漢儀注曰甘泉宮去

長安二百里望見長安城黃帝以來圓丘祭天處

通甲開山圖曰雲陽先生之墟也中有神書鐵券玉石之記與此

稍異武帝造闕於南

沉案玉海作以象方色於甘泉宮更置

前殿始造宮室

沉案玉海引始廣造宮室

有芝生甘泉殿邊房中

房中樂有

芝草漢舊儀云芝有九莖芝草歌曰九莖連葉芝金色綠葉朱實夜

有光乃作芝房之歌帝又起紫殿雕文刻鏤黼黻以玉飾

之成帝永始四年行幸甘泉郊泰時神光降於紫殿今案

甘泉谷北岸有槐樹今謂玉樹沅案雍錄作玉木根幹盤峙三二

百年木也楊震關輔古語云耆老相傳咸以謂此樹即揚

雄甘泉賦所謂玉樹青蔥也沅案太平寰宇記引作今案

宮之南雲陽宮記甘泉宮北有槐樹今謂玉樹宮根幹盤

峙二三百年木也者舊相傳咸以謂此樹即揚雄甘泉賦

所謂玉樹青蔥也甘泉有高光宮沅案雍錄作殿又有林光宮有長

定宮竹宮通天臺通靈臺武帝作迎風館於甘泉山後加

露寒儲胥二館皆在雲陽甘泉中西廂起彷徨觀築甘泉

苑建元中作石闕沅案玉海闕作關封鸞鳩鵲觀於苑垣內宮南

有昆明池苑南有棠梨宮

漢未央長樂甘泉宮四面皆有公車公車主受章疏之處司馬門凡

言司馬者宮垣之內兵衛所在司馬主武事故謂宮之外

門為司馬門案漢宮衛令諸出入殿門公車司馬門者皆

下不如令罰金四兩王莽改公車司馬門曰王路四門分

命諫大夫四人受章疏以通下情百官表衛尉屬官有公車司馬令丞漢官儀云

公車司馬掌殿司馬門夜檄官史天下上事及闕下凡所徵召皆總領之令秩六百石

三輔黃圖卷之二